



ADDENDA CONVENIO CANALIZADOR DA SUBVENCIÓN DIRECTA EXCEPCIONAL OUTORGADA POLA DEPUTACIÓN PROVINCIAL DE LUGO Á CONFEDERACIÓN EMPRESARIAL DA PROVINCIA DE LUGO (CEL), CO OBXECTO DE COLABORAR NO FINANCIAMENTO DOS GASTOS DERIVADOS DA EXECUCIÓN DA ACTUACIÓN “CUMIO DE INFRAESTRUTURAS CHAVE PARA LUGO” NA ANUALIDADE 2021, (APROBADO POR RESOLUCIÓN DE PRESIDENCIA DE DATA 13.10.2021)

[ADDENDA APROBADA POR RESOLUCIÓN DE PRESIDENCIA DE DATA DE DE 2021]

En Lugo, de decembro de 2021

INTERVEÑEN

Dunha parte, don José Tomé Roca, Presidente da Deputación Provincial de Lugo, con CIF P2700000I e sede social en Lugo, rúa San Marcos 8, actuando en nome e representación da citada entidade, segundo dispón o artigo 34 b) da Lei 7/1985, do 2 de abril, Reguladora das Bases do Réxime Local.

E doutra parte, don Eduardo Valín Fernández, con DNI ***0544**, na súa condición de Presidente, actúa en nome e representación da entidade Confederación Empresarial da Provincia de Lugo (CEL), en adiante beneficiario, con NIF ***0197**, e con sede social en Praza de Santo Domingo Nº6, 27001 - Lugo, con acreditación suficiente para a celebración deste acto, segundo consta no expediente tramitado a tal efecto.

Actúa dona María Esther Álvarez Martínez, Secretaria Xeral da Deputación Provincial de Lugo, no exercicio das funcións que lle son propias de acordo coa normativa de aplicación.

As partes comparecentes recoñécense mutuamente a capacidade xurídica e de representación necesaria para obrigarse nos termos da presente addenda, e a tal efecto.

EXPOÑEN

E con base a tales antecedentes, ambas as dúas partes consideran oportuno formalizar esta addenda ao convenio, con arranxo ás seguintes:

Primeiro.- Que o 21 de outubro de 2021 asinouse o Convenio de Colaboración entre a Deputación de Lugo e a Confederación empresarial da provincia de Lugo (CEL) para o financiar os gastos derivados da execución da actuación “Cumio infraestruturas chave para Lugo” na anualidade 2021. Esta actuación consiste en colaborar no financiamento dos gastos de organización (gastos de persoal, de realización, publicidade , etc) do Cumio.

Segundo.- Ante o escrito presentado por Eduardo Valín Fernández con NIF 33.305.447-k, en calidade de Conselleiro Delegado Executivo da Confederación de Empresarios de Lugo (Cel), o 15 de decembro de 2021 con numero de rexistro 2021RT018608., no cal expón que non puido realizar a actividade en prazo, debido a dúas cuestións fundamentais, a primeira pola dificultade de cadrar axendas nestes últimos meses do ano para contar en Lugo no “Cumio infraestruturas chave para Lugo” con figuras relevantes a nivel político para intervir no encontro e en segundo lugar polo interese en manter a presencialidade, dificultada polo incremento actual de casos de COVID19.

	IV7CWYHIBX62QWZ24IXNONIAKY	Fecha y Hora	04/01/2022 12:36:56	
Normativa	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.			
Firmado por	JULIA MARIA VAZQUEZ SILVARREY			
Url de verificación	https://etramite.deputacionlugo.org/verifirma-lugo/code/IV7CWYHIBX62QWZ24IXNONIAKY		Página 1/4	



CLÁUSULAS

Primeiro.- As partes acordan modificar a cláusula sétima que quedaría redactada no seguinte xeito:

Sétima.- Xustificación e aboamento da subvención.

Obriga establecida no artigo 31 da Ordenanza Xeral de Subvencións e na Base 24ª de execución do Orzamento xeral vixente.

O beneficiario deberá achegar, como prazo máximo, o día 30 de setembro de 2022, a conta xustificativa que acredite a execución e os gastos derivados da actuación subvencionada.

De conformidade co disposto no artigo 14 da Lei 39/2015, do 1 de outubro, do Procedemento Administrativo Común das Administracións Públicas, establécese a obriga de que o beneficiario se relacione coa Deputación a través de medios electrónicos -telematicamente-.

Transcorrido o prazo de xustificación establecido sen achegarse a mesma, requirirase ao beneficiario para que no prazo improrrogable de quince días sexa presentada. A falta de presentación da xustificación nesta prazo adicional dará lugar a que o beneficiario sexa declarado decaído no seu dereito ao trámite correspondente (artigo 73.3 da Lei 39/2015, do 1 de outubro, do Procedemento Administrativo Común das Administracións Públicas), e se inicie o procedemento de perda de dereito ao cobro da subvención ou o procedemento de reintegro, no caso de ter percibido algún anticipo ou pago a conta, sen prexuízo das demais responsabilidades previstas na lexislación xeral de subvencións e restante normativa de aplicación.

Gastos subvencionables.

Consideraranse gastos subvencionables, aqueles que de maneira indubidada, respondan á natureza da actividade subvencionada, resulten estritamente necesarios e se realicen no ano 2021 e ata o 30 de xuño de 2022.

Considéranse gastos subvencionables os aboados dentro da anualidade correspondente, e ata á finalización do período de xustificación previsto no convenio, ou nas súas addendas, no seu caso.

O custo de adquisición dos gastos subvencionables en ningún caso poderá ser superior ao valor de mercado.

Os gastos financeiros, os gastos de asesoría xurídica ou financeira, os gastos notariais e rexistrais, os gastos periciais para a realización do proxecto subvencionado e os de administración específicos, son subvencionables si están directamente relacionados coa actividade subvencionada e son indispensables para a adecuada preparación ou execución da mesma.

Documentación xustificativa da execución da actuación subvencionable. - conta xustificativa simplificada-

A xustificación da subvención realizarase mediante a achega, por parte do beneficiario, da seguinte documentación :

ANEXO I. Memoria da actuación, xustificativa do cumprimento das condicións impostas no convenio canalizador da subvención, con indicación das actividades realizadas, o custo total e os resultados obtidos, debidamente asinada pola persoa responsable.

ANEXO II. Relación clasificada de gastos polo custo total da actividade subvencionada, con identificación do acreedor e do documento, o seu importe, a data de emisión, a data de pago, así como a contía dos gastos que se afecten á subvención. Debe constar o nome da actuación subvencionable e a anualidade.

No caso de relacionarse nóminas, deben vir desglosados: o salario líquido, a seguridade social a cargo da empresa, a seguridade social a cargo do traballador e o IRPF.

Soamente será necesario indicar as datas de pago das facturas que se imputen á Deputación Provincial de Lugo.

ANEXO III -Declaración conxunta-

Declaración das subvencións ou axudas obtidas doutras administracións públicas ou entidades públicas ou privadas para o mesmo obxecto ou actividade subvencionada, con indicación do seu importe e procedencia ou,

	IV7CWYHIBX62QWZ24IXNONIAKY	Fecha y Hora	04/01/2022 12:36:56	
Normativa	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.			
Firmado por	JULIA MARIA VAZQUEZ SILVARREY			
Url de verificación	https://etramite.deputacionlugo.org/verifirma-lugo/code/IV7CWYHIBX62QWZ24IXNONIAKY		Página 2/4	



no seu caso, declaración de non ter outras subvencións ou axudas obtidas doutras administracións públicas ou privadas para o mesmo obxecto ou actividade subvencionada.

Declaración responsable na que se faga constar que, a actividade, actuación ou comportamento obxecto da subvención foi realizada, na súa totalidade, co cumprimento das condicións que motivaron a súa concesión e os compromisos adquiridos no presente convenio.

Declaración responsable na que se faga constar que a actividade realizada foi subvencionada pola Deputación Provincial de Lugo, e que este extremo se inseriu na publicidade de todas as actuacións e nos soportes que se utilizaron na execución da actividade subvencionada.

Xustificantes de gasto (facturas ou documentos de valor probatorio equivalente no tráfico xurídico mercantil ou con eficacia administrativa, incorporadas na relación clasificada de gastos) afectados á Deputación:

- Comprobaranse todos os xustificantes que superen individualmente o 25% do importe da subvención concedida.

- Do resto de xustificantes comprobarase unha mostra que polo menos supoña a seguinte porcentaxe en función do número de xustificantes:

- Menor ou igual a 10, 10%.
- Entre 11 e 30, o 5%.
- Superior a 30, o 2%.

- Acreditación do pago das facturas ou documentos anteriores: o pago das facturas ou documentos de valor probatorio equivalente no tráfico xurídico mercantil ou con eficacia administrativa, deberá realizarse antes da finalización do prazo de xustificación do presente convenio, tendo en conta que:

- Segundo o establecido no artigo 7 da Lei 7/2012, do 29 de outubro, de modificación da normativa tributaria e orzamentaria e de adecuación da normativa financeira para a intensificación das actuacións na prevención e loita contra a fraude, non poderán aboarse en efectivo as operacións, nas que algunha das partes intervinientes actúe en calidade de empresario ou profesional con importe igual ou superior a 2.500,00 euros ou o seu contravalor en moeda estranxeira. (para xustificar o pago de facturas aboadas ata o 10 de xullo de 2021 inclusive).

- Segundo o establecido no artigo 18 de la Ley 11/2021, de 9 de xullo, pola que se establecen normas contra as prácticas de elusión fiscal que inciden directamente no funcionamento do mercado interior, de modificación de diversas normas tributarias e en materia de regulación do xogo, non poderán aboarse en efectivo as operacións nas que algunha das partes intervinientes actúe en calidade de empresario ou profesional con importe igual ou superior a 1.000,00 euros ou o sue contravalor en moeda estranxeira (para xustificar o pago de facturas a partires do 11 de xullo de 2021 inclusive)

A efectos de cálculo da contía sinalada, sumaranse os importes de todas as operacións ou pagos en que se puido fraccionar a entrega de bens ou a prestación de servizos. Entenderase por efectivo os medios de pago definidos no artigo 34.3 da Lei 10/2010, do 28 de abril, de prevención de branqueo de capitais e de financiamento do terrorismo, é dicir, o papel moeda e a moeda metálica, nacional ou estranxeira; os cheques bancarios ao portador denominados en calquera moeda e calquera outro medio físico, incluídos os electrónicos, concebidos para ser utilizados como medios de pago ao portador.

Cando unha factura ou documento de valor probatorio equivalente se aboe en efectivo, deberá constar na mesma a expresión "Recibín en efectivo na data _____", asinado polo receptor, con identificación do mesmo (DNI, nome e apelidos).

Soamente terán que presentarse os xustificantes de pago das facturas que se imputen á Deputación Provincial de Lugo.

Respecto ao contido das facturas: estas deberán recoller o establecido nos artigos 6 e 7 do Real Decreto 1619/2012, do 30 de novembro, polo que se aproba o Regulamento polo que se regulan as obrigas de facturación. (Aplicarase a normativa vixente en cada momento).

	IV7CWYHIBX62QWZ24IXNONIAKY	Fecha y Hora	04/01/2022 12:36:56	
Normativa	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.			
Firmado por	JULIA MARIA VAZQUEZ SILVARREY			
Url de verificación	https://etramite.deputacionlugo.org/verifirma-lugo/code/IV7CWYHIBX62QWZ24IXNONIAKY	Página	3/4	



- Documento emitido pola entidade bancaria, no que conste a conta na que se procederá, no seu caso, ao abono da correspondente subvención.

O centro xestor deberá adxuntar, á documentación xustificativa remitida pola entidade beneficiaria, copia do ANEXO 1 da solicitude da concesión de subvención e os certificados acreditativos de estar ao corrente das súas obrigas tributarias e fronte á Seguridade Social, expedidos pola Axencia Estatal da Administración Tributaria, Axencia Tributaria de Galicia, Deputación Provincial de Lugo e Seguridade Social.

O aboamento da subvención, unha vez aprobada a conta xustificativa da mesma, será efectuada mediante transferencia bancaria á conta sinalada pola entidade beneficiaria. Non se procederá ao seu aboamento no caso de que a entidade beneficiaria non se atope ao corrente no cumprimento das súas obrigas tributarias e fronte á Seguridade Social, ou sexa debedora por resolución de procedencia de reintegro.

O incumprimento destas condicións será causa de perda da subvención concedida por incumprimento das obrigas do beneficiario, de conformidade co sinalado no artigo 37 da Ordenanza Xeral de Subvencións.

Segundo.- As partes acordan incorporar ao convenio subscrito en data 21 de outubro de 2021 esta addenda de modificación, que se rexerá polas condicións estipuladas no convenio do que trae causa, formando parte integrante do mesmo. O resto de cláusulas e o contido do convenio de referencia en tanto non queden afectados por esta addenda de modificación, permanecerán invariables.

E para que así conste, en proba de conformidade cos termos expostos, as partes comparecentes asinan a presente modificación, que consta de 4 páxinas numeradas, en triplicado exemplar e a un só efecto en lugar e data ut supra, do que como Secretaria dou fe.

Pola Deputación Provincial de Lugo:

O PRESIDENTE

Pola Confederación de Empresarios (CEL):

O Presidente Confederación Empresarial da Provincia de Lugo (CEL)

Asdo.:D. José Tomé Roca

Asdo.: D. Eduardo Valín Fernández

A SECRETARIA XERAL

Asdo.: Dna. María Esther Álvarez Martínez

	IV7CWYHIBX62QWZ24IXNONIAKY	Fecha y Hora	04/01/2022 12:36:56	
Normativa	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.			
Firmado por	JULIA MARIA VAZQUEZ SILVARREY			
Url de verificación	https://etramite.deputacionlugo.org/verifirma-lugo/code/IV7CWYHIBX62QWZ24IXNONIAKY	Página	4/4	